



Kindersorg se Diakonale Pleegsorghuise – halfdosyn vir halfdosyn...

Om *Blitspos* te ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan produksie@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Met die transformasie van die Nederduitsch Hervormde Kerk se Kinderversorging oor die laaste 100 jaar van weeshuise tot kinderhuise tot pleegsorghuise – wat bekend sou staan as Diakonale Pleegsorghuise, in kort DPS-huise – het die goeie werk van barmhartigheid aan ons sorgbehoewende kinders in die Kerk ononderbroke en onverpoosd voortgegaan. Vir 100 jaar vanjaar is die aflosstokkie van kinderversorging aangegee, en ons eer elkeen wat langs die lang pad die aflosstokkie hanteer het...



Ons het dalk nog nie een die indringende behoefte gehad om een hele olifant op te eet nie, maar tog word die wyse raad gegee om 'n olifant happie vir happie te eet... Dalk is dit hoe die voortsetting van Kindersorg met sy nuwe pleegsorgbaadjie wat op 1 Januarie 1997 aangetrek is, daarin geslaag het om oor die laaste 27 jaar sorgbehoewende kind na sorgbehoewende kind te begelei om die lewe selfstandig in te gaan.

Ses op 'n keer. Die Kinderwet laat toe dat pleegouers ses kinders in pleegsorg kan versorg. Die kapasiteit van een DPS-huis is ses kinders op 'n slag, in die sorg van 'n pa en 'n ma as pleegouers. Tans het ons die potensiaal om 36 kinders, ses in elkeen van die ses DPS-huise, te begelei. Twee van die huise is in Pretoria, en een elk in Rustenburg, Krugersdorp, Potchefstroom en Elsburg.

DPS-huise bied belangrike voordele aan die kind wat daar versorg word:

- Die kind is nie net 'n nommer nie. Hy of sy is een van ses en nie een van 150 in 'n kindersorghuis nie.
- Die kind word deel van 'n gewone huis in die woonbuurt en het 'n gewone adres, soos enige ander kind. Die stigma om as 'n kindersorgkind geëtiketteer te word, verdwyn.
- Die kind beleef weer dat hy of sy soos enige ander kind is, want hulle het weer 'n pa en 'n ma en word afgelaai by die skool sonder 'n "gemerkte" voertuig.
- Die kind kry in die DPS-huis veral "ouerlike" aanvaarding, liefde en begrip wat vir die kind se ontwikkeling na volwassenheid noodsaaklik is.
- Die kind word blootgestel aan die lewe en die werk van die Kerk by die plaaslike gemeente.

Vandag beweeg daar van die DPS-huisstelsel se kinders suksesvol deur die lewe. Hulle is self ouers, dalk al in die omgewing van 42 plus jaar oud.

En steeds gaan die NHKA onder leiding van die direksie van die Kinderhuise na 100 jaar voort om kind vir kind die goeie werk te bly doen...

Ds Jimmy Manders
Ondervoorsitter: Direksie van die Kinderhuise

Lief en leed



Prof Johan Buitendag



Prof Andries van Aarde

- **Prof Johan Buitendag** (70) (emeritus) het onlangs 'n nekoperasie ondergaan. Ons bid hom spoedige herstel toe.
- **Prof Andries van Aarde** (72) (emeritus) is steeds in die hospitaal na twee ingrypende rugoperasies kort na mekaar. Ons bid hom krag toe vir die gespesialiseerde herstelproses.
- **Die volgende predikante verjaar tot 19 April, en word hartlik geluk gewens:**
 - Vrydag 12 April: Ds JP (Paul) Janse van Rensburg (62) (emeritus)
 - Saterdag 13 April: Prof AJ (Alex) Antonites (81) (emeritus), di CB (Nardus) Enslin (60) (Rustenburg-Kloof) en GPJ (Gerrie) Grobler (80) (emeritus)
 - Sondag 14 April: Dr PJ (Pierre) Jacobs (38) (Gaborone), di JZ (Hans) Britz (57) (Eendracht), R (Rue) Hopley (37) (Pretoria-Oos), JP (James) Jooste (72) (emeritus) en L (Lynette) Lötter (28) (ampsvoorreg/nie-diensdoende)
 - Maandag 15 April: Ds WH (Wessel) Swart (77) (emeritus) en prop A (Annami) McClintock (25) (beroepafwagting)
 - Dinsdag 16 April: Ds GPJ (Gerhard) Stoltz (50) (sinodaal/Westonaria)
 - Donderdag 18 April: Ds JH (Hennie) Engelbrecht (34) (Derdepoort)
 - Vrydag 19 April: Ds PJ (Pierre) Jacobs (64) (Outeniqua)

Gemeentes en bediening

- **Leef jou lied: Feeskonsert.** Ter herdenking van die eerste Protestantse liedboek 500 jaar gelede en die eerste Afrikaanse liedboek 80 jaar gelede, word daar op **Sondag 28 April om 15:00** 'n groot feeskonsert gehou as deel van die Hervormde Kerk se viering van die twee geleenthede. Dit vind plaas by **Gemeente Pretoria-Oos**. Daar sal samesang wees saam met die orrelis Pieter van den Berg, 'n koperblaas- en houtblaas-ensemble onder leiding van Braam van Tonder, en 'n koor onder leiding van Gideon Els. Die spesiale feeslied wat vir die historiese geleentheid geskryf is, sal ook saamgesing word. Vir kaartjies, kontak gerus vir Pieter by 072 041 3954
-
- **Gemeente Warmbad** se vorige e-posadres (nhkerk@telkomsa.net) funksioneer nie meer nie. Hul nuwe e-posadres is nhkwarmbad@gmail.com.
 - **Gemeente Potchefstroom-Studente** het 'n **vakante voltydse werkkruimte** beskikbaar. Predikante wat belangstel om in die gemeente te dien, kan hul kontakgegevens en 'n kort CV **voor 19 April 2024** stuur aan die skriba van die gemeente, Aubrey Golightly. Sy e-posadres is Aubrey.golightly@nwu.ac.za. Die kerkraad behou steeds die reg voor om 'n predikant te beroep wat nie van die geleentheid gebruik gemaak het om aansoek te doen nie.
 - **Ds André Oberholzer van Gemeente Witbank-Noord** vra of daar nie iewers in die Kerk of by gemeentes 'n **kanselkleed (of 'n reeks klede)** rondlê wat nie meer gebruik word nie. Hulle wil graag hul kanselkleed vervang met 'n nuwe, selfs 'n meer moderne, kanselkleed. Indien daar iewers 'n kleed of klede beskikbaar is wat geskenk kan word, sal dit werklik waardeer en gebruik word. Kontak ds Oberholzer by 082 640 0213.

Vergaderings

- Vrydag 12 April: Moderamen

Kerklike publikasies

- Die Februarie/Maart 2024-uitgawe van die **Ons Tuis-nuusbrief** is nou beskikbaar by <https://onstuis.org/nuusbriewe/2024/02/02-2024.html>. Lees oor die lief en leed van die inwoners, asook van die projekte waarby Ons Tuis betrokke is. Anneliese Bothma, wat al langer as 30 jaar by bejaardesorg betrokke is en reeds tien maande lank by Ons Tuis werk, vertel van die uitdagings waarmee maatskaplike werkers te kampe het.



Boekwinkel-promosie

Agst Bybelstudiegids teen slegs **R399**

Bestel van mev Sarie Roux by boekwinkel@nhk.co.za

Toerusting

Gevorderde Toerusting Ouderlinge met tema: Geroep om ouderling te wees

Vind plaas op
23 April om 19:00

Aanbieder –
Ouderling Faan Beeslaar

Meeting ID: 942 768 9935
Wagwoord: SGB
<https://us02web.zoom.us/j/9427689935?pwd=d3d3KIN1cDU0a1plZCtjSS9ZSFY4dZ09>

- **Mentorskap-opleiding.** Op **23 en 24 April van 09:00 tot 16:00** vind 'n **gratis aanlyn toerustingsgeleentheid** plaas. Dit is vir die Kerk belangrik om te belê in die opleiding, groei, ondersteuning en begeleiding van predikante. Alle belangstellendes is welkom. Ander ampsdraers van die Kerk wat ook die opleiding wil bywoon, is baie welkom. Mentors wat dalk hul vaardighede weer wil opskerp – sluit gerus by ons aan! Bespreek jou plek by <https://tidycal.com/decc/nhka-mentorskap>. Vir tegniese bystand met die registrasie, kontak Daniël by esterhd@gmail.com. Ander navrae: Lisa-Mari Prinsloo 083 943 4561.
- **Sentrum vir Geloof en Gemeenskap: UP Fakulteit Teologie en Religie**
Saam met Excelsus en die NHKA
Seminaar met prof Gordon Mikoski
Dinsdag 23 April van 09:00 tot 13:45
NGK Stellastraat Brooklyn
Woensdag 24 April van 09:00 tot 13:45
St Michaels Anglikaanse Kerk Weltevredenpark
Christian Education: Our Calling and Commission
Koste: R175
Navrae: Lance.thomas@up.ac.za
- **Die Dameskring** is 'n Christelike organisasie wat groot waarde heg aan die behoud en versterking van die gesin. Sedert 2019 word 'n **Biddag vir Gesinne** jaarliks aangebied as een van die nasionale projekte van Die Dameskring. Hulle wil graag die Christengemeenskap in Suid-Afrika inspireer om weer in 2024 saam te kom om by 'n spesiale geleentheid te bid vir kerngesonde gesinne wat geestelike en morele waardes uitleef. Hulle sou graag wou meehelp dat hierdie geleentheid jaarliks deel van gemeentekalenders sal word. Die Biddag vir Gesinne, geïnisieer deur die uitvoerende bestuur van Die Dameskring, vind vanjaar plaas op **12 Mei**. Op 12 Mei wil hulle saam met gesinne kniel om te bid vir eie gesinne, vir die herstel van gesinswaardes, vir heling van gebroke gesinne, dat God ons kinders met wysheid sal seën om in uitdagende tye goeie besluite te neem, en vir die bewaring van die huwelik. Besoek www.dameskring.co.za vir meer oor Die Dameskring.

'n Gedig

Ek wou die tyd in kapsules sluit
om die vaart van die oomblik te vertraag;
terselfdertyd die geskiedenis
van nader in gevangeskap te sien
om dalk 'n bietjie sin van als te maak.
Maar gaandeweg het dit geblyk
die oomblik is nie tyd maar woord en beeld –
koppe wat praat, lywe wat roer of staan,
arms wat gryp, dooies wat in strate lê.
Toe laat ek die verlede vry
en kyk in watter tydgleuf dit wil pas
maar vind dat alles wat is en wat was
vasgevang is in artefakte agter glas.

Dolf van Niekerk
(Uit: *Lang reis na Ithaka*, 2009)

Barmhartigheid

- **Suzanne van Deventer**, maatskaplikewerkbestuurder by Rata Maatskaplike Dienste verantwoordelik vir die DPS-pleeghuise, is op 19 Maart vereer met **Solidariteit Helpende Hand se Hoopdraers-toekenning**, saam met twee ander maatskaplike werkers wat diep spore van hoop en positiewe verandering nalaat in die lewens van diegene wat hulle dien. Suzanne sê: *Dit is 'n voorreg om my passie en roeping as maatskaplike werker binne die DPS-huise uit te leef. Maatskaplike werk het nog nooit vir my om status of geld gegaan nie,*

maar eerder om elke dag daarna te streef om 'n blywende verandering in een persoon se lewe te maak, hetsy dit 'n kind, 'n ouer of 'n kollega is. Dankie aan al my kollegas binne Rata asook die DPS-huise wat my die geleentheid bied om my drome uit te leef. Rata is baie trots op haar en weet sy sal voortgaan met haar onbaatsugtige diens aan die gemeenskap.

- **Machteld Postmus-behuisingskompleks** vir bejaardes in **Brooklyn, Pretoria**, beskik oor die volgende:
 - Tweeslaapkamer-woonregeenheid beskikbaar by Frans Boshoff teen R465 400.
 - Eenslaapkamer-huureenheid beskikbaar by Huis MacIntosh teen R5 330 (krag ens uitgesluit).

Kontak mev Hannelie Fourie by 012 325 1857 x216 vir meer inligting.

- **Louis Trichardt-behuisingskompleks vir bejaardes** in Danville, Pretoria, bied kamergeriewe met twee etes per dag teen R3 850 per maand. Vir meer inligting, kontak mev Yvonne Willemse of matrone Jenny Wesson by 012 386 5310.
- **Ons Tuis (Andries Marié Oosthuizen) in Parys** het plek beskikbaar in die tehuse vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:
 - Eenslaapkamer: R515 000
 - 1½-slaapkamer: R520 000
 - Tweeslaapkamer: R560 000

Kontak Salomie Stolz by 012 329 4313 of 083 308 0520 (08:00-12:00) vir meer inligting.

- **Herfsakker Selfsorg-aftreeoord in Groblersdal:** Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. Deposito van twee maande huur betaalbaar. Vir meer besonderhede, skakel Frik Rossouw by 082 830 6591.
- **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / manager@belfastrusoord.co.za vir meer inligting en tariewe.
- **Athalia Uitrek in Bloemfontein** bied verblyf vir en versorging van bejaardes en persone met gestremdhede. Daar is enkel- en deekamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / navrae@athalia.co.za / www.athalia.co.za.

Fondsinsamelings

- **Gemeente Welgelegen-Pietersburg: Maanligmark**
Vrydag 26 April van 16:00 tot laat
Gratis ingang
Stalletjies, eet- en drinkgoed, musiek

Kattebakverkoping
Kaartfasiliteite beskikbaar
Navrae oor stalletjies: Elize 071 684 7803
Navrae oor kattebakverkoping, parkering, ens: Jonita 082 854 3897

- **Gemeente Oos-Moot: Magaliesfees**
Woensdag 1 Mei van 08:30 tot 14:00
Vanuit die duister na die lig
Collinslaan 1265, Moregloed
MC en kunstenaar Gary Forwood
Stalletjies, eetgoed, kompetisies
Kredietkaartfasiliteite beskikbaar
Kom sny en kleur jou hare vir pleegsorg (R50)
Wen **jagpakket** ter waarde van R26 600
Skryf vooraf in @ R200 per trekking (trekking 1 Mei om 12:00)
Kontak Philip van den Heever 083 384 3263
Navrae oor die fees: Andries Pretorius 081 466 8691
- **'n Stukkie Marico Bosveldjuweel te koop**
Ten bate van NHKA Groot Marico
14,2 hektaar, spruitoewer-eiendom
Gerieflik toeganklik vanaf N4
Twee boorgate, een toegerus, sementdam
Huise bouvallig, geen ESKOM
Prys R1 550 000.00 onderhandelbaar
Skakel Boet Nel by 083 700 9751
- **Oornagfasiliteite: Seniordal.** Seniordal beskik oor oornagfasiliteite vir persone wat vergaderings of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parkering en 24-uur-sekureiteit. **Vir navrae oor tariewe en vir besprekings**, kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.

Studentesake

- **Studentebehuising. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmensewoonstelle. Skakel dr Chris le Roux by 079 495 3239 of stuur 'n e-pos na stellenbosch@nhk.co.za vir meer inligting.
- **Studentebehuising. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na nhkphiladelphia@gmail.com vir meer inligting.

Betaalde advertensies in hierdie nuusbrieff

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word. (*Tekskennisgewings van gemeentes is gratis.*) Indien 'n jpg-weergawe van die advertensie voorsien word, **moet dit 15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan mev Tessa Oppermann, per e-pos na produksie@nhk.co.za. GEEN advertensie sal geplaas word sonder die betalingsbewys nie.

Die **teks en bewys van betaling** moet mev Oppermann bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend

afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

Die koste is R250 per plasing (BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

Gebed vir innerlike vrede

Heer Jesus,
na die koestering van u liefde bring ek
die herinneringe wat my steeds ontstel,
die angste wat my verlam,
die wanhoop wat my so bang maak,
en my onvermoë om helder te dink.
Help my om u vergifnis opnuut te ontdek,
en om u vrede te ken ten spyte van my wroeging.
Raak my aan, my Heer,
en vul my met u lig en hoop.
Amen.

nursebuff.com

(Afrikaanse verwerking: Tessa Oppermann)